



UNIVERSITÄTS-
BIBLIOTHEK
PADERBORN

Universitätsbibliothek Paderborn

Scipio Claromontius De Ratione Status

Chiaramonti, Scipione

[S.I.], 1679

B. L. S.

urn:nbn:de:hbz:466:1-10064

B. L. S.

 *Um destinasse dudum terminum,
politici statuere operibus, nec lustris
tribus, & quod excurrit, in hac mate-
ria amplius in publicum prodierim, jam atate pro-
vectior consilium tacito coactus sum damnare corde.
Non tamen velim quispiam existimet, quod levitas
mihi & prurigo quadam causam scribendi iterum
dederit; dedit ratio certa, eaq; potissimum, quod
adeo eruditum scriptum ante lustra quinq; in latinum
a me conversum noluerim ulterius, ob lingua, qua il-
lud scripsit autor, imperitiam, doctis & rerum poli-
ticarum cupidis invideri. Credideram, cum edi-
to Septalio, non solum ipse commendaverim admo-
dam Claromontium, sed & Magni Viri Naudai
spem de libro hoc non sibi viso conceptam plane ape-
ruerim, futurum, ut quispiam curiosior, & studio
politico impense deditus, ad vertendum illum de Ita-
lico potuisset impelli: at spes delusa, ut palam est,*

) (

post

post tot exacta lustra, coegit me ad priores redire
labores, & quod olim verteram lingua addiscenda
gratia, nunc horis subcisi vis, & hyberno maxime
tempore non nibil expolire. Taceo, quod identi-
dem a Viris eruditis, meiq; & meorum scriptorum
amantibus idq; non a paucis compellatus scripto fue-
rim, largirer tandem erudito orbi labores hosce, nec
temere suppresserem. Ut nunquam scriptum quod-
dam prodiit, ex quo non aliquid utilitatis redun-
darit ad lectorem; ita confido etiam futurum, ut
hic commentarius gravissimi alias scriptoris, &
qui non in hac & morali doctrina, sed & in aliis
materiis se solerter dedit, ut Viri celeberrimi de
ipso testantur, utilitatis non mediocris fructum sit
prabiturus. Autorem non animus est ulterius com-
mendare, tutabitur is locum suum sine me, nec vi-
no vendibili opus esse credo suspensa hedera. Ex-
perire B. L. & vacive solutoq; pectore perlege iterum
iterumque de tanta re differentem Claromontium,
certus sum, laudaturum Te autorem, & meos quo-
cunque conatus, nisi livor tuum obsedit pectus, aut
tibi est volupte obrectare cuncta: imo gaudebis
scio, tanta doctrina, tantique usus scriptorem tan-

dem

dem aliquando donatum antiquo Latij sermone in publicum prodiisse. Quod si eum malignitas obiretare volet,

Imitari dum non possit, obtrectet licet.

Parta jam laus est auctori, quod Viri undique habiti doctissimi, admirati ingenium gravissimi scriptoris, labores illius iterum recudi curaverint, suoque perfuderint succo, & sic dignum longa judicaverint memoria. Igitur jam in litterarum plausum, nec malevoli valebunt ipsius laudes sufflaminare.

Quis fuerit auctor, si scire cupis L. B. dicam: fuit Cesenas, in civitate olim libera natus, quam paruum studium perdidit, ut alias claras Italiae respublicas: cuius identidem reminit in scripto hoc auctor ipse, de testatusque est non vulgariter, dari cives tam immemores sui fortunarumq; patriæ, ut illam funditus eversam malint, quam suam non explere libidinem, & conceptam in cives suos iram evocare. Nunc tacite tristem gemunt fortuna vicem, improboq; premuntur imperio, & antiquæ libertatis memoria voces illis tamen cum dolore exprimit.

Studii philosophicis assidue fuisse deditum,
doctissima illius loquuntur scripta, & quantum no-
bis constat, sibi vixit; noluit enim esse alterius,
quoniam suus esse potuit. Amasse illum praeter ceteris
Venetos & Estensum Duces, liquido ex scriptis ap-
paret: non enim semel invidendam illorum facit
mentionem; & credendum est, Hos etiam praeter aliis
forte virtutum, & doctrina illius fuisse estimato-
res maximos. Italum scriptum honori & memo-
riæ Magnæ Christianæ, nata ex regio & antiquo
stemmate Lotharingia ducum dedicavit, tum vi-
dua defuncti M. Ducis Hetruriæ Ferdinandi primi,
quem Magnum vocarunt rerum Hetruriæ scripto-
res. Illam ob peculiares ingenii dotes, & singula-
rem rerum civilium peritiam non vulgariter laudi-
bus extollit. Et cum tertium sola ad clavum im-
perii sederit, primum defuncto conjuge, altera vice
defuncto filio Cosmo, & tandem præmaturis adhuc
ad imperium annis Ferdinandi Nepotis, non dubi-
tandum est, quin prudentissima fuerit famina,
quam tertium tam grave & olim vi occupatum
imperium proceres imperii sine turbis regere sive-
rint.

Sed ut ad autorem redeam, & librum ipsum,
meminit

meminit ille sapientia rerum Medicarum, & idem comparat ex hac arte desumpta cum rebus ad politicam prudentiam pertinentibus, idque tam apte, tam concinne, ut me fecerit suspicari, hujus artis etiam ipsum fuisse peritum; idq; eo magis, quod morales libros ad methodum, qua Medica tractatur ars, composuerit. Enimvero facit mentionem in libro hoc sapientiae moralis doctrinae physiologicae, semiotica, hygiene, & therapeuticae, ex quibus libris non fruimur nisi semiotica gratia summi Viri Hermanni Conringij, reliqui adhuc nobis invidentur, quod dolendum.

Quid ex libro hoc boni sperandum sit, quid de ceteris exspectandum, series capitum operi prefixa, & autoris prefatio & introductio aperiet. Si otium erit, & vitam concederit Deus, non morborum cupidos, & rerum politicarum amantes, sed quam primum fieri poterit per occupationes majores, explebo illorum animos & desiderium, faciamq; ut in reliquis quoq; se oblectent.

Quin imo & iteratam editionem librorum Septaliu de R. S. polliceor, politiores & auctiores annotationibus meis novis, aliisq; hucusque spectantibus. Quam dudum

dudum iterum dedisse in publicum si per occupatio-
nes graviores licuisset: at cum acceperim, quendam
Lipsiensem bibliopolam me invito & inscio eos cu-
rasse imprimi iterum, quod illi vortat male, cura
suascatentes nunc mendis innumeris, sicque non eru-
buisse meos furari labores, iniquo & impio exemplo,
maturabo novam editionem, ne bis peccare illum fi-
nam, mihi meos labores surripiendo, & tibi num-
mos. Est enim vitiosa & mendoza editio, ut osten-
surus sum, par Annalibus habenda Volusiis.

Tu B. L. fruere interea his, & favere perge
illius laboribus, cui nihil magis volupe est, quam tuis
quam maxime servire commodis. Vale.
Scribebam Hamburgi die Justinae Anni M. DC.
LXXIX.

Emen-